

Servicio virtual pa investigacion den corant sin sali di cas

ORANJESTAD - Biblioteca Nacional Aruba ta anuncia cu a logra “virtualisa” un gran parti di e serviccionan di buskeda den corantnan historico y recien. En cooperacion cu entre otro Solo di Pueblo, AWEMainta y e team tras di The Morning News Aruba, awo ta posibel pa lesa y busca den mas cu 8 mil corant “full-text” publica na Aruba entre e añanan 1932 y 2019) via e link <http://bna.aw/digital/corant>.

Cu e adicon di e titulongan menciona, e corantnan/publicacionnan periodico disponibel online ta entre otro:
Aruba Grafico (1932)
El Despertador (1934-35)
El Observador (1935)
El Boletin – The Bulletin (1939)
Aruba Esso News (1941-1985)
Aruba Post (1942)
Arubaanse Courant (1948-

1967)

The Morning News Aruba (2010-2014)

Den Noticia (2012-13)

Aruba Traveller (2015)

Solo di Pueblo (2005-2019)

Awe mainta (2007-2019)

E coleccion digital nacional di Biblioteca Nacional Aruba ta conta mas cu 12.500 buki, potret, mapa, corant, revista y video online. E plataforma digital ta habri 24/7: <http://bna.aw/digital/>

Un danki grandi ta bay pa sr. Edmond Croes, sr. Victor Toko Winklaar, sra. Rosalinda Maduro y sra. Chandette Richardson pa nan permiso y na Tamara Beaujon pa su asistencia. Cualquier pregunta tocante di e servicio innovativo aki por wordo manda pa digital@bibliotecanacional.aw. Empresanan, editorialnan y autornan cu ta interesa pa aporta na e iniciativa aki y contribui publicacion(nan) tambe ta mas cu bonbini pa tuma contacto cu biblioteca.

